

第七五八冊

經濟彙編

戎政典

兵略部

三十三
(卷)

古今圖書集成

中華書局影印



古今圖書集成

中華書局影印

欽定古今圖書集成經濟彙編戎政典

第二百十二卷目錄

兵略部彙考一百十

親征平定朔漠方略十九

戎政典第二百十二卷

兵略部彙考一百十

親征平定朔漠方略十九

六月乙酉朔發

駕至昂吉爾圖

命二郎保齊勅往諭青海薩楚默爾根台吉

上諭大學士伊桑阿侍郎安布祿曰今當會議遣檄

於青海之事矣如當遣檄即自此地遣去爲善議

曰發檄諭青海甚是請將檄文即自此地發去如

青海諸台吉擒噶爾丹之女及其屬下人界我

或令二郎保親身帶來或差人解來請

旨定奪

上曰著自此地遣撥什庫一人帶羅壘額木齊夥伴

善巴星馳至二郎保所令二郎保齊勅往諭如執

噶爾丹之人界我著二郎保親身帶來再一面將

檄青海台吉之文發往京城作速照樣刊刻刷印

百餘張星飛驛遞二郎保所令二郎保遍諭沿途

居人理藩院差撥什庫巴特馬同羅壘額木齊夥

伴善巴齊

勅赴二郎保所其文曰理藩院檄知青海薩楚默爾

根台吉博碩克圖濟農欽奉

上諭曰爾青海諸台吉歷世尊奉達賴喇嘛法教敬

事本朝聘問貢獻恭順有年朕亦頻加恩賚未嘗

有間乃噶爾丹壞達賴喇嘛之法教不遵朕旨稔

惡不悛朕乃親統軍至土喇勒而滅之不可不明

諭青海諸台吉也噶爾丹前於烏蘭布通敗走之

時朕如全發所調兵馬無不可追而誅滅之噶爾

丹首頂威靈佛像立誓言鬼物誘我進皇上邊汛

也我何敢知而闖入乎自此以後不但邊內扎薩

克蒙古即歸降皇上之喀爾喀如害其一人聽威

靈佛立刻誅之朕乃罷各路追兵宥其命而縱之

噶爾丹頑悖不悛朕屢勅曉諭竟不遵奉索我降

人喀爾喀不已去年又渡克魯倫河掠我降人納

木扎爾陀音朕遣員外阿爾必特祐等爲使問故

不見朕使奪其所乘馬馳遣令步歸後遣侍衛克

什圖主事保住爲使而往又不及之見亦奪其馬畜

使之饑餓徒步而歸朕乃震怒發西路大兵一枝

俄農巴爾濟路大兵一枝克魯倫上流大兵一枝

朕親統大軍由中路而進既近克魯倫猶不忍羣

生橫羅鋒鏑又差長史多禪等往諭朕來與汝會

語朕無殺汝之心我大兵已截汝後路矣不信則

遣人往視可也又奪護送使人之馬褫使人之衣

且不遣使人歸後又差扎薩克喇嘛彭素克格隆

往亦不遣歸朕乃親統大軍近逼噶爾丹正俟所

遣使人覆音循克魯倫河徐進噶爾丹聞聲畏威

棄其婦子廬帳釜鍤而遁至特勒爾濟遇西路大

將軍費揚古兵噶爾丹又先據我西路大兵始

奮擊之遂大敗噶爾丹陣斬阿奴及有名寨桑甚

衆殺厄魯特人四千餘盡降全獲其子女駝馬

牛羊廬帳噶爾丹僅率三十餘人遁去其降人丹

巴哈什哈等人衆及所擒羅壘額木齊保博碩克

圖濟農遣往噶爾丹者俱言達賴喇嘛歿已九年

矣夫本朝爲達賴喇嘛護法之主禮待六十餘年

其沒也第巴理宜奏聞而第巴匿之反惑衆誘噶

爾丹與戎第巴之罪大矣且噶爾丹言青海諸台

吉并俄羅斯國人與彼同攻中國又潛通中國回

子從中助彼計得中國後立回子爲中國主彼則

取其賦稅是以至克魯倫及敗走之時猶語其衆

曰我至此克魯倫者非我意欲深入也達賴喇嘛

言我南征吉大慶也我入此達賴喇嘛殺

我而我殺爾等矣思達賴喇嘛與朕道一風同相

敬有年達賴喇嘛尚存斷無此事此皆達賴喇嘛

歿後第巴指達賴喇嘛以唆噶爾丹其跡顯然除

另勅發第巴外今噶爾丹已命西走亦未可定應

傳諭青海所在諸台吉如欲仍前修睦則通行屬

下西路所通地方人等俱各防守探聽聲息如遇

噶爾丹即行擒解遇而不擒擒而不解知而故縱

者此後永讎之至噶爾丹之女嫁於博碩克圖濟

農之子即當解送噶爾丹之人現在青海者亦令

盡擒解來上項原由著理藩院譯蒙古文帶羅壘

額木齊之人一名飛馳傳諭

內大臣明珠等報遇西路大兵於多羅特之地

以糧給之行兵部奏曰據駐扎克勒河朔內大臣明珠咨言前者劉曜等運到克勒河朔米五百石麪七千觔已交待郎阿爾拜星速解赴大軍與劉曜同於五月十八日起行又都司丁延祥運來之米自五月十九日起陸續到克勒河朔交員外達賴等星速解赴大軍已令起行俱在案今阿爾拜報稱職所運米五百石麪七千觔於二十一日俱到拖諾二十二日擇驄馬驛內之可用者率劉曜等運米二百八十石麪七千觔到扎喇河朔遇平北大將軍遣往迎糧官兵共二百二十二口給米四十四石四斗畢即起行到多羅特地方次日撫遠大將軍兵到以所餘米一百六十三石六斗麪七千觔送至大將軍所已分給衆官兵矣又據侍郎阿爾拜亦以前事報部爲此奏

閱

謁

堂子免陳旗幟書角行兵部奏曰

皇上親統六師出征噶爾丹之時排列八旗護軍旗

轟火器護軍旗幟詣謁

堂子啓行粵稽

太宗皇帝往征朝鮮受降凱旋祭纛於郊詣

堂子行禮

回宮今

皇上親統六師勦滅噶爾丹凱旋進京之日詣

堂子行禮應否排列八旗旗幟書角請

旨定奪

上命議奏議曰八旗旗幟書角俱在後軍詣謁堂子請停排列旗幟書角

上從之

丙戌莊親王博果鐸等奉

表稱

賀莊親王等奏爲敬陳

聖略軍敷神威遠播滅寇奏勦普天胥慶事

五月二十二日伏讀提音具聞

皇上躬行天討身先士卒直抵賊營巨憝震驚望風

奔遁

聖謨神筭早已預料其必逃分道夾攻務令窮蹙其

所往果爾旁突遇我銳師鋒鏑鏖交難殲殆盡

賊渠隻身窮竄妻子悉已就擒輜重牛羊盡皆

收復留從羽黨莫不歸誠渠逆迅消膚功立奏

茲蓋我

皇上深謀碩畫治軍無所不詳制勝宣威應敵無所

不盡方鳴爾丹之蠢動致喀爾喀之受侵衆謂

何煩遠馭

乘輿但應特假節鉞倘非今日之預計或同前此之

疎虞乃我

皇上決意親征謀成獨斷師興四路無不適合機宜

令衆一心所以動關機要但從來軍行糧餉勢

必致民力輓輸而

皇上頒發帑金民不加賦屢頒恩賜兵有餘資莫不

願効馳驅咸知盡心供億且時當春仲新草方

萌更地值冰消又難出牧下墟拘之見皆以爲當暫緩期惟

皇上審料之深

特命乘時過發果至塞外馳馬毫無匱乏之虞漸進

西陲道路益有菁蕪之盛

六龍親邁履砂磧而易若坦途一怒廓清掃賊巢而

潰同鼠穴往者逆藩叛亂類

廟謨以次削平海寇通誅厖

宸衷修焉殄滅今茲醜類迅掃無餘向後兇頑萌芽

未絕從此屬藩消侵陵之患各遂生成抑且邊

境省捍禦之勞共遊熙皞

鑾回伊邇快看飲至軍容悔罪實繁喜見輪誠革面

千百國奉聲靈而恐後執自外於範圍億萬年

臻上理以無加罔不涵於浩蕩矣等無任踴躍

躍懼忭之至謹奉

表稱

賀以

聞

上報聞

己丑

命侍郎多奇等留後禁踐踏偷盜田禾

駕至獨石口城中居民及二三百里居民扶老攜幼

排列香案跪於道旁擊拳奏言

皇帝爲我生民遠行征討滅此番寇自茲以來未享

太平耳不聞厄魯特之警矣但願

皇帝萬萬歲歡呼稽顙沿途不絕是日

皇太子率諸大臣迎

上諭大學士伊桑阿曰朕親統大兵往征厄魯特噶

爾丹大動既集奏凱言旋進獨石口見今年麥禾俱大盛朕衷欣悅念大兵陸續歸來民皆倚此田禾度日如或踐踏或偷盜喂馬小民何恃以餬其口今將獨石口至懷來縣交待郎多奇自懷來至京城交待郎馬爾漢率地方官與伊等隨行部員及扈從部院官沿途巡察如獲踐踏田禾偷取喂馬畜者立拿參奏如遇而不拿拿而不立拿後朕聞之必以軍法從事決不姑恕

辛卯

上駐蹕懷來縣時懷來縣地方稍旱

駕臨是地即霽然雨足其民同聲言曰真神異也皇上除寇以快天下今日

駕甫至即霽甘霖甦我田禾歡欣踴躍跪叩道旁

癸巳

駕進京城先是以獨石口至京城天時炎熱

命沿途備冰水梅湯香膏湯官兵皆得其益是日復命沿途仍前備之以足前軍之用辰時

駕發清河縣排列儀仗

皇太子率諸皇子諸王及在京文武大小官員俱

穿蟒袍補褂於郭外五里道旁跪接八旗護軍

驍騎步兵近京鄉紳士民工商耆老男婦皆扶

老攜幼排列香案門戶懸綵人各捧香跪迎皆

叩首奏言

皇帝為萬民除害實勞

聖躬遠臨絕域大勳立奏

功德超隆天高地厚誠古來所未有臣等仰戴

鴻恩但祝萬壽無疆而已臣等一聞凱音衆心不勝

歡悅急欲望見

天顏已候數日矣

上命前驅者勿警蹕於是父老扶杖率其婦于前行

填塞街道城外環集者數百萬人歡聲如雷

上由德勝門入詣

堂子行禮畢詣

皇太后問安

回宮

臣等伏惟我

皇上聖神文武威德廣被自往歲三逆掃蕩海島輪

誠東西朔南聲教暨訖雖殊方異域莫不梯山

航海而奉朝貢厄魯特噶爾丹荒微頑孽狡焉

思逞竄伏西陲煽誘外藩蒙古諸部落曩者烏

蘭布通之役業已入我網羅幸獲免脫猶然怙

惡不悛近且逼處巴顏烏蘭時時侵掠我歸附

之喀爾喀悖逆天常志懷叵測

皇上洞燭情形網繆先事謂年來訓練師徒簡閱將

帥我備久已修飭若不乘此時亟行剪除蠢爾

兇頑勢必搖蕩邊疆馴至繹騷內地流毒蒼生

為害滋大非赫怒不足以安民非一勞不能以

永逸乃遂決計

親征命八旗皆儲峙以待調發維時廷臣震悚不敢

以寇賊之憂仰煩

君父方且交章乞留而

睿謀已定不撓群議爰是祭告

宗廟

社稷聲罪致討禱牙較路尅日啓行分遣撫遠大將

軍費揚古等領兵由西路前進以遏其西奔復

令黑龍江烏喇將軍領兵分駐近地以防其東

竄而大軍出獨石口由中路進發三方布置萬

里連絡時尚春寒塞外水草未豐

皇上加意拊循軫恤周至櫛風沐雨與士卒同勞苦

甚至日御一餐步行沙磧而又時

頒賜資激勵同仇故凡列戎行及外藩助順諸王貝

勒等人人感奮咸爭先効力而

聖謨廣運舉凡決機制勝之要調遣策應之方動必

萬全悉臻至當測料賊情洞若觀火指畫地勢

契若合符至於頒牧放之令以節馬力之疲勞

飭飛輓之程以籌糧糧之接濟定營伍之制申

斥堠之規無不上煩

宸慮稟受

指麾乃或水泉素乏之地忽湧靈源雨雪沍寒之時

或逢晴霽

天心孚協瑞應駢臻良由我

皇上為萬姓除殘至誠昭格故得

上天眷佑如此噶爾丹憑恃險遠井蛙自大猝聞

聖駕親臨遂爾倉惶潰遁

皇上身率前鋒窮追五日噶爾丹盡棄輜重晝夜狂

奔而

皇上所遣西路之兵早已按期截其歸途奮力邀擊

擒斬無算蓋自出師以至

回鑾不滿百日往返五千餘里而大功告成自古用

兵未有若此之神速者也臣等竊惟行軍絕漠古昔所難我

皇上神謀獨斷克奏膚功電掃廳驅崇朝底績惟至仁故能勞一身以靖蒼生惟至明故能居九重而見萬里惟神武故能摧勁寇如拉枯朽逃稽上古如軒轅之數蚩尤虞舜之格苗頑功德至隆然皆用兵寰中未嘗遠及域外也至如殷宗之克鬼方爲役三年周宣之伐玁狁不及千里漢唐及明雖屢征朔漠未著奇勛以觀今日真邁越前古遠矣從此邊隅永靖四海無波億萬斯年蒙樂利之休享清宴之福孰非我皇上神功聖德之所致哉

甲午禮部擬上

皇太后

皇帝尊號告祭典禮入奏畱中先是莊親王博果鐸等奏言

神威遠播域外邊境永清敬陳燕賀之私請布捷音上發該部詳查應行典禮事宜具奏至是禮部奏曰

粵稽

太宗皇帝出征朝鮮受降凱旋諸王大臣上

表迎接入京之日詣謁

堂子告祭

太廟及攷明朝末樂年間上親征蒙古歸遣官告祭天地宗廟社稷陵寢承天門旗幟諸神頒詔天下

上御殿受大小臣工表賀今

皇上親統六師勦滅厄魯特噶爾丹

功德宏大亙古無倫應告祭

圖丘

方澤

社稷

暫安奉殿

孝陵遣官致祭

永陵

福陵

昭陵及旗纛之神

天安門太歲礮神及五嶽五鎮四瀆四海歷代帝王陵寢孔陵亦應遣官致祭請上

皇太后尊號

皇帝尊號頒

詔天下

皇帝陞座諸王大臣官員上表稱

賀各省督撫文武官員亦上表稱

賀奏入

上畱中

命封喀爾喀郡王善巴爲親王貝子彭素克爲郡王

上諭內大臣國舅佟國維等曰昔喀爾喀王善巴奏

言噶爾丹不可使據克魯倫當討之而此役盡出其

其馬以助軍勢勤不著殊爲可嘉貝子彭素克聞

悉都逃即發人追之是役執訊偵探勤勞茂著其

遣穆扎哈爾等哨探也謂之曰此去如不獲實音

不擒生口皇上雖不加罪吾必誅之嚴責如此朕

向拖陵而來正思於歐德哈爾哈以下探聲息故

問鄉導地里形勢而彭素克人來奏歐德哈爾哈

以下已遣往探正合朕意如此等事殊爲可嘉彼

所遣人員朕俱已加恩善巴彭素克理當議敘著交與理藩院查明具奏理藩院奏曰查喀爾喀郡

王善巴擒解噶爾丹伊喇古克三庫圖克圖所

差煽惑六鄂羅斯之奸細尼爾巴格隆又向噶

爾丹使人博喇特和卓問明噶爾丹事情來報

又遣其人德得黑舍津於庫克納他喇納偵探

收獲迂舒克部落巴圖達等五戶來解又遣其

副都統扎爾等至庫倫白爾齊爾偵探又善巴

之諸子自巴爾哈蘇臺地方以外遣人偵探且

善巴奏言不可容留噶爾丹在克魯倫是役効

勞於西路大軍中盡出所有馬匹給軍士乘用

喀爾喀貝子彭素克當悉都逃去時彭素克差

其子往覓殷扎納其身追悉都與戰又遣人於

其屬下台吉厄爾德尼阿海使追悉都收其子

媳而來分遣人探噶爾丹悉都聲息又對噶爾

丹設立哨卒奏入

上命以郡王善巴爲親王授貝子彭素克爲郡王以

示獎勵可會議具奏會謂當遵

聖旨加封其原封善巴信順之號原封彭素克伊爾

登濟農之號俱奉

欽定應仍存之換

冊之事請交該部

上從之

命以餘米存貯察罕腦兒

上諭內大臣國舅佟國維等曰朕沿途視邊內田禾

甚茂邊外所種之苗五月初間被霜略損是以復

種邊外蒙古未必不致乏糧十成龍所運米供給

上諭大學士伊桑阿等曰觀此番出征地方形勢守亦可戰亦可但得天時甚難兵蚤出則天寒無草乏水兵不能行兵遲出則天暑雨水多倘連雨數

真正貧乏者每人六兩給一年行文各該扎薩

米算明伊等到日支取各走本洲訖六月初一

百一十四石計京城官兵赴京西安寧夏官兵及厄魯特降人口數均給十五日米訖蒙

聖上爲官兵乏糧周詳籌畫特遣大臣預將米糧陸續運到迎給官兵得免乏糧之苦此皆

聖上周詳籌畫

隆恩之所致也厚此

天地覆載之德仁逾父母養育之恩雖粉骨碎身不能報於萬一者也同聲歡頌如此奏至

上諭曰大將軍伯費揚古疏言右衛兵軍夏兵自拖諾道回納喇特前者朕聞西路之米令從驛路納喇特而去並未報西路之米已到何地竟不知其所至恐兵丁乏糧亦未可定應撥鍾申保等能員二人隨便取歸化城喇嘛官員殷實人戶之駱駝車輛裝運湖灘河朔之米迎往著會議具奏議曰

皇上熟籌而有斯論俱當欽遵行之請遣御史鍾申保再能員一人乘驛速往于歸化城喇嘛官員殷實人戶隨便取駱駝車輛裝載湖灘河朔之米親身帶領星速迎往其押駱駝車輛官兵應取諸歸化城及附近旗分帶去奏入

上從之

副都統阿南達奏報噶爾丹等遁走情形阿南達奏曰訪之降人言噶爾丹本身逃向何方知之不明丹濟喇丹津俄木布會阿喇卜離于博羅之地不久即別率其屬下百許人往覓噶爾丹阿喇卜離率其屬下五百餘人順博羅河下流而去我等俱自彼地來聞滾占之妻率其屬下人從懸山南渡土喇河溯塞稜河遁走其內

自亂伊德順柯爾寨桑等叛而內來滾占之妻率兵與戰伊德順柯爾寨桑敗又噶爾丹所設尾後兵明吾特布喇特兩部落千許人正當噶爾丹敗亂之時見阿喇卜離屬下人婦子從特勒爾濟口向博羅河而走此千許人追及之奪其畜產婦子中之佳者往投喀爾喀和托揮特之根敦帶青而去矣此語雖未真謹據所聞奏聞

上報聞且以示議政諸大臣

丁酉將軍孫思克謝

恩併報赴京事孫思克奏言剿滅噶爾丹實仗聖駕親臨投寇陷落遁逃等情遵

皇上訓旨滅賊於昭莫多之地等並未効纖芥之力樹尺寸之功乃

皇上優加恩賜以示寵眷五月十八日特遣一等侍衛馬武到營宣

旨召臣來京面

聖正治裝赴京之時五月二十一日副都統阿南達

來傳

上諭令西安官兵綠旗官兵赴京安息官兵聞旨俱欲進京但鎗礮火藥甲冑軍器什物甚重全需牲口馱載然牲口甚少而又疲瘦不可用倘載火器等物到京又載回陝西甘肅則京城與肅州境上相去五千里有餘程途遙遠空勞往來

與將軍博濟會商俱不便赴京今將軍博濟副都統馬自德滿洲漢軍章京共二十六員筆帖式一員酌帶滿漢兵五百名與總兵官潘

育龍等四十五員酌帶綠旗兵五百四十五名隨大將軍一齊赴京外其餘西安滿漢官兵交副都統巴林綠旗兵交副將守備等官由歸化城一路入邊各自遣歸本汛至赴京官兵甲冑器械俱交遣回本汛官兵帶歸外又滿漢綠旗官兵以至僕從在克魯倫一帶沿途地方蒙皇上屢次加恩賞給口糧官兵領米俱歡呼得食矣皇上如此隆恩我等何以報効但捐軀爲國家立功邊疆盡力以報

皇上之恩皆向

關叩頭謝

恩求臣等代奏

上諭曰西路大兵糧運不到恐大兵乏糧朕心殊以爲憂預爲籌畫陸續撥中路糧運迎至拖諾山足給軍中不致匱乏朕心始慰

戊戌

有大學士伊桑阿罪免革職先是以坐塘官阿林不將委付馬匹小心看護致多倒斃

上諭內大臣曰呼什穆克驛坐塘阿林等所留馬六十四匹倒斃至三十五匹其餘俱未蘇近見奏言內府佐領馬匹又多倒斃馬者軍之急需伊桑阿理兵部事竟不効奏以請懲治一味模稜徇庇兵部之事亦流而日懈不復可觀矣爾等今即拿坐塘阿林甘應選白奇到京責令賠馬內大臣等請交該部議吏部議伊桑阿理兵部事而不預爲嚴飭使在水草佳處小心看護以致馬多倒斃後又明知馬多倒斃不効奏懲治務爲徇庇殊玷

又明知馬多倒斃不効奏懲治務爲徇庇殊玷

職守應將伊桑阿革職

上曰此事俟到京後再議至是部議仍擬伊桑阿當革職

革職

上曰伊桑阿從寬免革職著降三級罰俸一年

己亥

皇長子允禩以兩路大兵至拖陵沿途備米之

事奏

聞允禩奏曰於六月十一日到滾腦兒探得軍中

聲息言馬思喀兵初一日可到拖陵費揚古兵

初六日可到拖陵至馬思喀費揚古自拖陵起

行何日到邊已遣人往探候得實音奏

聞自拖陵起行之時遵

旨將糧務交清明珠于成龍而來探得撥糧之事自

拖諾至邊汛共給過四千一百七十九石零所

餘一千六百一十三石零于成龍等以空車攤

載運赴察罕腦兒查視在後步行僕從各色人

等驛中俱有米恐後又增人亦未可定已交喀

拜使每驛增備米糧自拖陵至滾腦兒沿途俱

有運米在

上報聞

庚子

命將軍薩卜素駐防科圖偵探聲息

上諭議政大臣曰薩卜素現領兵駐紮約爾濟地方

軍中所備之米扣至七月初五日為止今不預為

籌度兵丁必致乏糧著遣盛京兵千名回薩卜素

攜來兵千名科圖地方有現貯米在可率之至此

駐防偵探著行在議政大臣集議咸奏言

諭旨甚是俱當遵行

上遣侍讀學士伊道隨將軍薩卜素而往

辛丑

命以鄉導汪舒克等八人為達爾漢理藩院奏言奉

上諭以蘇尼特杜梭郡王達林扎卜旗下鄉導汪舒

克郡王額駙薩瑪扎旗下鄉導博羅扎卜阿霸核

卓力克圖郡王達馬林扎卜旗下鄉導達濟郡王

吳爾占噶喇卜旗下鄉導桑阿阿霸哈納爾貝勒

布昭旗下參領鄉導伊魯兒圖鄉導索諾木喀爾

喀貝子程伯兒旗下司儀長馬哈杜喇兒八人俱

授為達爾漢查得

太宗皇帝時以肯濟赫同阿賴呼魯克追毛明安引道

有功賜達爾漢之號免其賦役子孫承襲順治

三年十二月內以烏朱穆泰車陳親王護衛達

喇海於和碩德豫親王率兵追騰機思之役引

道至喀爾喀國有功賜達爾漢之號免其賦役

承襲三次今汪舒克等鄉導八人應作何承襲

伏候

上裁

上命汪舒克照肯濟赫例博羅等之達爾漢准其承

襲四次

督運于成龍奏報撥給大兵糧馬自拖陵起行

于成龍奏言臣奉

旨與內大臣明珠同在拖陵給平北大將軍官兵僕

從綠旗官兵厄魯特降人俱照人數共米五百

二十石零給撫遠大將軍官兵西安官兵綠旗

官兵僕從土默特蒙古厄魯特降人亦皆照人

數共米七百二十九石零至備帶馬騾內撥給

大兵數目俟到京造冊另報外六月初九日自

拖陵起行帶回餘米一千六百一十三石向察

罕腦兒而來

上報聞

丙午大將軍伯費揚古奏報西路兵回喀倫遣

將軍舒恕侍郎滿丕赴歸化城察探各路回軍

及糧運聲息先是

上遣侍讀學士喇錫傳

諭費揚古曰喀倫地方水草佳美費揚古一枝軍馬

到喀倫後當暫駐守乃彼未完之事伊等如一徑

到京似有可虞朕亦思事之無常在彼進兵之路

使安王等駐愛必哈什喇穆冷續其尾後今善巴

王昆都倫博碩克圖王等由納喇特之路來正當

愛必哈什喇穆冷不論從何處來總之愛必哈為

形勢之地且其行也務留一妥幹大臣於其軍後

保護看守勿使拖沓疲乏者致於遺棄朕之行亦

如此是以一物無失至是費揚古報遵

旨率官兵於六月十九日已到喀倫駐扎

上曰前日諭將軍薩卜素兵千人駐扎喀倫科圖地

方今大將軍疏但言奉旨駐喀倫地方已於六月

十九日到喀倫其兵數及投誠人俘獲人綠旗兵

併于成龍之米作何截留之處並未明晰如此則

日後又將生枝節作種種難事矣現阿爾薩蘭衛

寨桑進追噶爾丹喇什又率車陵扎卜之兵五百

進而追之至遣回綠旗兵八千西安滿兵席爾哈

達兵運米之車若何寧夏未嘗一報此等事或西

路大臣內有明之者朕心猶疑之著議政諸臣將此內事情逐一詳議具奏議曰大將軍伯費揚古之兵作何留後投誠人俘獲人綠旗兵作何措置于成龍之米作何截留並未詳盡申說此項事如目下不議明則日後又生枝節成種種難事彰彰明矣目下阿爾薩蘭衛寨桑進追噶爾丹喇什又率車陵扎卜之兵五百進而追之此乃費揚古未完之事則費揚古等之兵允宜留後駐劄近

諭將軍薩卜素率兵千人駐扎科圖地方今應令費揚古等之兵亦畱一千費揚古親率駐扎歸來兵丁之馬與畱後兵酌便調換其餘官兵及將軍孫思克博濟兵仍遵

旨赴京至投誠人理當速發安插相應扣給口糧交明領回軍大臣進行投誠人到張家口日期亦著預報其畱後兵應支幾月口糧著將軍算明向于成龍等支領率兵起行及支米數目即令奏明除回軍之俘獲外其畱後軍俘獲有願帶回者許令遣行又查費揚古等遣回綠旗兵西安滿兵席爾哈達兵未知歸到本汛否米車已到何地今已如何未嘗一報近奉

諭旨遣兵部理藩院官各一員至寧夏歸化城探聽費揚古遣回諸軍歸到本汛與否米能接濟與否聲息如上項情事費揚古等有所灼見者作速奏明至米到在何地或已運回應檄王國昌等令彼作速奏明其領回軍而歸之大臣伏候

欽點

上曰前使莫里溥駐扎寧夏者特欲其報此項諸事也寧夏綠旗兵畱駐翁金副都統席爾哈達兵費揚古早已遣之使歸矣是軍之歸到本汛與否莫里溥並不來報著將軍舒恕侍郎滿丕乘驛速赴歸化城將伊等遣回之兵席爾哈達等率領畱駐翁金之兵已到何地米得接濟與否查明具奏王國昌喻成龍等所運之米如何已到何地會否接濟回軍所設驛站如何作速差兵部官往問王國昌喻成龍等令去員親身查明來奏從納喇特前去之兵何時過去給米與否亦差官一員查明來奏將軍費揚古措置已畢將軍薩卜素到科圖後著費揚古回京將此速報費揚古可也

丁未侍郎西喇奏報遷入厄魯特降人丹巴哈什哈等西喇等奏言厄魯特降人丹巴哈什哈察罕西達爾哈什哈等夥伴一百六十口及大將軍費揚古送到丹巴哈什哈家人西虎爾共一百六十一口臣親身同鑲黃正白兩旗察爾爾兵夸蘭大多爾濟扎卜等率察爾爾兵二百防護而來六月十九日到張家口外十八里臺地方居住又丹巴哈什哈察罕西達爾哈什哈等跪告曰我等來歸

聖上蒙

皇恩宥而不殺且使我妻子兄弟完聚遣我等至張家口之時

皇長子惠給牛羊米麵茶葉盧帳釜鍋等物

皇上如此隆恩終身不能報答願得赴京以供聖上道路灑掃之役伏乞轉奏

上曰著諭丹巴哈什哈云爾等雖係降人俱有用之材今即使至此天時炎熱不但爾等不宜入居即我出兵歸來者當此暑天猶苦腹瀉如是炎熱爾等何以堪此自夏而秋自秋而冬以漸相習始可也爾等姑在口外俟將軍軍中所解降人俱到之日當另有諭旨又丹巴哈什哈等無衣與鋪蓋著於張家口章京何芳處支領

庚戌

叙賞奉差偵探蒙古理藩院奏言據尚書班第咨稱欽遵

諭旨著將班第所差偵探人員記名俱加恩賜查前差往偵探者乃蘇尼特王薩木渣達林扎卜阿霸琿王達瑪林扎卜阿霸哈納爾貝勒布昭喀爾喀公車木楚克納木扎兒衛徵諾顏阿玉什貝勒汪渣兒等旗識道路記山川之台吉官員兵丁共選擇一百一十七人前往其內喀爾喀車木楚克納木扎兒旗下庫爾登佐領披甲猛索和三次告請往厄格穆爾布爾哈蘇臺等處偵探且送書於根敦帶青西卜退哈灘巴圖等蘇尼特杜稜郡王旗下鄉導完舒克阿霸琿王達瑪林扎卜旗下參領畢喇什阿霸哈納爾貝勒布昭旗下參領伊魯兒圖薩爾濟佐領驍騎校塞特爾伊等俱告請効力前往人員伏乞叙賞查員外阿爾必特祐隨行鄉導鄂欣楚楊博羅等俱獎賞蟒領羊皮襖各一件綬各二端布各二十匹披甲巴爾米特等九人各賞綬二匹布二十匹在案茲披甲猛索和鄉導完舒克

領伊魯兒圖等已在軍中給賞不議外參領畢喇什驍騎校塞特爾請賞殺各二匹布各二十匹其餘賞殺各一匹布各十匹

上從之

辛亥以第巴使人羅卜臧凱等發部拘禁先是上諭內大臣索額圖大學士伊桑阿達賴喇嘛班禪達賴汗青海諸台吉使人至則照例安插定所食物俱依舊供給但將第巴使人收禁理藩院中撥兵看守至是理藩院奏言達賴喇嘛使人郭尼爾羅卜臧帕克巴格隆等在今日到查前此達賴喇嘛使人來城外有為達賴喇嘛造成舍院隨便掃除院內搭席棚安插撥官兵守門今亦照前例令在達賴喇嘛房院內居住其第巴使人羅卜臧凱等拘禁臣部撥官兵看守

上命議政大臣與大學士集議議曰往召班禪庫圖克圖第巴阻止之而復與噶爾丹為一體其使應遵前

旨拘禁

上報聞

檄責通政司通政使覺羅莫里溥理藩院奏言撥什庫常往迎達賴喇嘛使人回問之曰西路遣回之兵會到寧夏否言遣回之兵已於寧夏見之歸中衛之兵亦曾見之

上曰遣回之兵恐乏糧食朕深為憂慮向使正卿莫里溥住扎寧夏欲其奏報諸聲息也今遣回之兵已到寧夏而莫里溥並不奏報爾等可移文責之安插厄魯特降人回國王阿卜都里什特等

理藩院奏言據大將軍伯費揚古咨稱奉皇長子令遵

旨時方炎熱著厄魯特降人暫居張家口外欽此將軍可帶至分路之處使吳巴什拜察克阿玉什阿迪等蒙古大臣逐隊分開撥察哈爾兵護送與侍郎西喇所解丹巴哈什哈等會同遣行查本軍中陸續來降者厄魯特內有回國國王阿卜都里什特厄魯特台吉塞冷扎卜米塞桑等共一千九百二十四口歸降之後或逃或盜馬情罪可惡正法者共一百四十三人病死者三百四人又札薩克達爾漢親王喀爾喀善巴王昆都倫博碩克圖等各扎薩克蒙古軍中降人五百五十九口

乾清門侍衛馬武至傳

旨云投誠俘獲人等俱俟朕酌量措置即遵

旨將伊等檢點交付訖又正黃旗五品官鄂欣認出弟兄三十口將此除出其餘男婦兒童共八百九十八口交付土默特副都統阿迪阿玉什撥

八旗章京八員兵三百名防護於六月二十日遣行使送交解丹巴哈什哈往張家口之侍郎

西喇此項押送官兵或令駐扎張家口獨石口等處與大兵一同進邊或令徑赴京城乞定奪

檄知查厄魯特降人既俟秋涼安插善地其押送官兵應於安插之前暫駐防守俟安插後回

京此項官兵及厄魯特降人口糧應交戶部將張家口所有之米撥給

上從之

昆都倫博碩克圖郡王滾布以厄魯特烏鎗及甲來獻滾布奏言聞

聖駕出征臣滾布雖老願從軍効力蒙

上允許臣乃率我子孫起程自哈喇厄魯特地方在

大軍前行擒獲三次偵探之時敵人至副都統阿南達令臣登山乃往山上交戰一面往報將

軍適遇誘至之敵與戰後布陣之時將軍乃令臣在後然聞大礮之聲欲再往山上視之見發

礮將軍諸臣分頭掩擊領兵者不令臣等過去而從旁繞入與戰放烏鎗以殺其人聞擊敗噶

爾丹捷音臣原思親赴

行在稱賀緣年老路遠天暑是以在此叩頭上奏謹

遣臣子台吉托堂護衛綽代齋所獲烏鎗一桿

甲一領綿甲一領駱駝三頭馬三匹上

獻

上受其烏鎗及甲交付所司

甲寅議復遣使於達賴喇嘛先是內齊陀音庫圖克圖等齋達賴喇嘛等奏章還

上命放達賴喇嘛等使人入京至是以達賴喇嘛使人郭尼爾羅布臧帕克巴格隆等已到京城奏

聞

上交該部以內大臣索額圖大學士伊桑阿知此事原委爾等可與索額圖宣旨諭來使曰噶爾丹敗

於烏闡布通遁走之時首頂威靈佛像設誓云不但聖上屬下人民即喀爾喀降人以外再不敢復

犯矣去年又背誓至克魯倫地方殘害喀爾喀掠我降人納木扎爾陀音於是朕親統大軍往討噶

爾丹懼而奔遁適遇我防禦之兵誅殺過當噶爾丹率數人僅以其身免餘者盡降厄魯特遂滅厄魯特降人告曰達賴喇嘛久已脫縉矣天下蒙古皆尊奉達賴喇嘛如達賴喇嘛身故理宜報聞諸護法主以班禪主喇嘛之教繼宗喀巴之法乃匿達賴喇嘛之喪指達賴喇嘛之名唆誘噶爾丹朕屢遣使問之第巴皆不使與達賴喇嘛相見僞居高樓之上以示之第巴原係達賴喇嘛下管事人朕優擢之封爲土伯特國王乃陽奉宗喀巴之道法陰與噶爾丹比欺達賴喇嘛班禪而壞宗喀巴之法前遣濟隆庫圖克圖至噶爾丹所爲噶爾丹誦經選擇戰日朕爲衆生往召班禪沮而不遣朕無責達賴喇嘛達賴汗青海諸台吉之意朕今遣使於達賴喇嘛果達賴喇嘛尚在則面見朕使臣曉諭噶爾丹遵朕旨行朕凡事俱無所復言亦略無所介意若仍誑我使人不令相見斷不輕止至噶爾丹之誓濟隆庫圖克圖等現在其地問之豈有謬乎今將遣使如彼來人欲全歸則聽其皆去欲先擇數人歸即遣先行爾等可召集達賴喇嘛達賴汗使人宣旨其噶爾丹降人喇嘛格壘巴兄珠爾同慈都台吉降人喇木扎木巴青海羅壘額木齊著侍郎西喇帶之星速前來俟其到日偕京城大喇嘛齋勅前去應遣之大喇嘛著爾等查奏索額圖等以扎薩克大喇嘛默爾根綽爾濟等名開摺具奏

上命派出次等大喇嘛津巴扎木素著查前隨副都統阿進泰保濟出使識認達賴喇嘛者或經他事

前往識認達賴喇嘛者具奏索額圖等覆奏云烏思尼哈畢咱雅塔之德木齊索諾木臧布係漢人種曾去五次見之必識願往効力察罕喇嘛俄木布垂扎木素格隆係漢人種曾去五次見之必識今雖年老願往効力大仁寺阿旺羅卜臧格隆係阿木道種曾去三次烏思尼哈畢咱雅塔之左特巴格隆係漢人種曾去三次西達達廟阿旺納木扎兒格隆係漢人種曾去二次俱認識未真

上命派出德木齊索諾木臧布保住

欽定古今圖書集成經濟彙編戎政典

第二百十三卷目錄

兵略部彙考一百十一

親征平定朔漠方略二十

戎政典第二百十三卷

兵略部彙考一百十一

親征平定朔漠方略二十

七月乙卯朔

皇長子允禔奏

聞選

旨頒行之事允禔奏言臣於五月十九日留駐施陵

八旗兵漢軍火器營兵到後宣

父皇旨

諭領兵大臣曰八旗大臣皆朕簡用人員是役也噶

爾丹不能抗威聞風而遁諸臣雖不得與之戰然

嚴轄官兵不擾害沿途居民不酗酒搶奪橫行愛

養馬匹小心牧放水草佳處不盜刈田禾餒飼馬

匹不踐踏田地不遺棄一人一騎俱全歸此即

伊等効力之事也如橫行搶奪遺留人馬斷不輕

恕諸臣奏曰蒙

聖上拳養隆恩原欲遇噶爾丹捨身報効仗

聖上天威賊人聞風而遁臣等不獲立功謹記

聖諭竭力行事於是給伊等到邊七日口糧其到京

之米令于成龍算給已遣行訖丹巴哈什哈等

家口到後酌量撥給牛羊帳釜什物又恐到張

家口後模稜有誤自于成龍處取銀五百兩交

侍郎西喇小心押護而往暫駐張家口外候

旨已遣行訖遣行之時丹巴哈什哈等叩頭奏曰臣

等之來降也因昔嘗來使蒙

皇上厚恩臣等思僥倖偷生是以來歸不意

聖上免我誅戮

賜坐賜茶大加恩眷又

命查臣等妻子兄弟家人使之完聚又以天時炎暑

使之暫居張家口外自拖陵起行之時牛羊米

麪帳釜什物無不賞給臣等皆萬死之人乃出

自望外加以

隆恩使得其所祈速令進京雷之

御前効力以完臣等之心又遵

旨行文于成龍等將有病僕從撥車裝載回京後雷

步行僕從給之飯食用其力使挽車回京其因

馬匹傷損雷下盔甲等物俱裝上空車帶歸其

護軍驍騎執事人員竟無馬者各給馬騾一匹

使之乘坐遣行又宣諭八旗大臣之時諸大臣

兵丁歡呼而言曰在京時蒙

聖上人給肥馬四匹重加賞資而出臣等毫無効力

之處又恐臣等乏馬至於步行撥給馬匹天高

地厚之

恩殲身難報叩頭稱謝歡聲震營五月二十六日奉

旨令臣速歸以糧務交明珠于成龍隨行文將糧務

交明珠于成龍訖臣軍中前鋒內府護軍執事

人員無馬者的取于成龍馬騾使之乘坐起程

臣沿路而來查視邊外貿易之蒙古俱不爭競

市易和平並無恃強買賣者滿洲蒙古皆大悅

各驛遵

旨以飯與米供給病人及後雷步行僕從皆口有所

食身有所倚咸謂蒙

父皇之恩得以重生靡不歡忭臣二十三日入邊之

後見沿途遵

旨備香湯梅湯官兵僕從人得飲飲竟不傷暑皆

懽呼曰

皇上俯恤臣僕無所不周我等何以圖報皆遵法不

敢踐踏田禾略不擾害百姓地方老少皆稱頌

曰凡大兵所過無不踐踏田禾擾害地方者今

統萬萬兵馬而行路旁田禾略不踐踏小民什

物毫不侵犯

聖上仁愛兵民至於此極誠互古之所未聞未見也

踴躍歡呼成羣結隊排列香案稽首謝

恩

上報聞且以示所司

喀爾喀公蘇泰伊爾登

獻俘蘇泰伊爾登奏言臣遵

旨與大將軍擊敗噶爾丹俘哈什哈二人獲烏鎗一

桿甲一領羊三百請以上獻

上受所獻甲鳥鎗及二人還其羊

丙辰員外德兒格爾等查報分給西路兵糧事

理藩院奏言員外德兒格爾報稱職於六月二

十六日到歸化城二十七日都統阿喇納亦到問之阿喇納據云西安兵綠旗兵蒙古兵俱已遣回矣又問之曰目下俱到何地米于何地接濟阿喇納云西安兵綠旗兵六月二十八日二十九日間可到歸化城喀爾喀諸王之兵扎薩克喀爾喀達爾漢親王諾內本身及兵已到所居之地至六鄂爾多斯三吳喇武毛明安之兵俱向其所居之地而去今蓋已到矣米則未嘗接濟我軍右衛護軍統領費揚固云我等至拖諾給我右衛兵及西安兵綠旗兵俱八日糧自此得食至察罕俄布又蒙

皇上令鍾申保運米來迎相遇於察罕腦兒已給我軍又西安佐領沙濟云我等在前隊副都統巴林軍中聞副都統西爾哈達親身領兵自翁金起程隨我軍之後陸續而來為此報部謹以奏聞又鄂禮奏言_臣奉

旨六月二十八日到歸化城右衛護軍統領費揚固西安副都統巴林領納喇特一路兵而來問之據云我等自拖諾別大將軍費揚古而趨納喇特之路會領八日糧而來西安兵於六月初三日到納喇特初四日過納喇特右衛兵於六月初七日到納喇特初八日過納喇特我軍在此路並未得糧蒙

皇上軫念遣御史鍾申保以米來迎西安兵至歸化城一百六十里外巴顏俄博地方與之相遇通給官兵右衛兵至歸化城二百里外西里巴賴地方與之相遇亦通給官兵奏至

上曰此事交戶部尚書馬齊將德兒格爾報文一併發大將軍朕恐兵丁乏糧故預發米爲備著彼將本路運米情事具奏

垂刺克扎木素格隆有罪發部拘禁先是差垂刺克扎木素格隆齋

勅追授噶爾丹五月十四日至圖喇見大兵擊敗噶爾丹噶爾丹遁去是以垂刺克扎木素格隆往副都統阿南所求爲彼代奏至是隨將軍馬思喀兵回京入奏

上曰此喇嘛差往噶爾丹不到而同著拘禁戊午侍郎西喇以噶爾丹去向來奏西喇奏曰

奉

旨問丹巴哈什哈曰

皇上今使喀爾喀車陵扎上等七台吉根敦帶青阿爾薩圖衛寨桑等率兵追討噶爾丹不知噶爾丹何往爾等之意云何丹巴哈什哈怒都察罕西達爾哈什哈等曰我等之意以爲噶爾丹更無他往必投達賴喇嘛去矣其所以不他往者昔窩齊爾圖車陵汗之子噶爾且木巴之女阿海原與策旺喇卜灘議婚康熙十八年娶阿海至不配策旺喇卜灘噶爾丹自取之二十七年居和上屯時策旺喇卜灘之弟索諾木喇卜灘在噶爾丹所沒後策旺喇卜灘率兵五千而逃噶爾丹率兵二千追之及之於布克他厄冷哈必爾罕之地問策旺喇卜灘曰爾何所恨而來策旺喇卜灘曰我原議婚之妻阿海爾取之我親弟索諾木喇卜灘爾殺之又恐殺我故畏懼

而來既有是語噶爾丹至烏蘭布通後策旺喇卜灘盡收噶爾丹之妻子人民而去又有是讎是以策旺喇卜灘所不可往也若圖爾古特之阿玉奇所有讎人窩齊爾圖車陵汗之弟在道既遙遠而阿玉奇之女又嫁策旺喇卜灘是以阿玉奇所亦不可往也噶爾丹與俄羅斯差人貿易而已原不相好往俄羅斯之路有洪郭壘及罕二道罕之路有明安特忒梭古特諸人在伊等俱係讎人是以俄羅斯不可往也噶爾丹向達賴喇嘛之去路哈密雖係讎人有噶爾丹屬下回子在青海左側有番子二千家在噶爾丹如向達賴喇嘛而去則青海諸台吉雖不畱之於其地然亦不沮之如得到達賴喇嘛地方則噶爾丹與第巴甚好且噶爾丹於喇嘛存日居班禪庫圖克圖所謂唐古特國之托卜察一城人乃噶爾丹前生尹咱庫圖克圖時之徒弟故使爲屬下有征賦之人在沿途可得馬匹糧糧而無沮之人丹濟喇丹津俄木布如與噶爾丹同在一處斷不相離必偕往達賴喇嘛處也

也

聖上今遣人率兵追討噶爾丹其獲噶爾丹與否何從知之但收離散者問之自得噶爾丹去向實音也

上報聞

使給厄魯特降人慈都等夥伴口糧侍郎西喇奏言噶爾丹降人慈都等夥伴二百四十三口六月二十七日至張家口外十八里臺地方已

併入丹巴哈什哈等其噶爾丹降人授六品官
阿木呼朗之父母五歲之妹俱令與丹巴哈什
哈等一同暫居張家口外俱交郎中滿圖左翼
四旗察哈爾官員訖看得悉都等夥伴食米已
完方今奉

諭給發丹巴哈什哈等夥伴口糧則悉都等夥伴阿
木呼朗之父母亦應給口糧請仍交滿都以張
家口倉中所貯之米計口頒給

上報聞

己未發喀爾喀台吉賓圖等充察哈爾軍籍內
大臣索額圖等會同理藩院奏言喀爾喀伊兒
登卓禮克圖之子賓圖等去年在圍獵之地告
請從軍効力今年又奏請從軍乃遷延不赴詎
詐之罪殊為可惡應將賓圖等四台吉及獨石
口外所在三百五十二口一併俱交內務府發
新者庫使當苦差

上免其沒入內庭查下五旗察哈爾丁壯缺少者編
附隊伍著令披甲

庚申

命檄探西路回軍及糧運聲息

上諭大學士阿爾泰等曰王善巴請安使人來問以
西路遣回之兵副都統西爾哈達之兵及西路所
運之米爾等會遇見否言我軍跨翁金駐扎回軍
及糧運無所聞見未知遣回之兵西路所運之米
已到何地著兵部理藩院行文奉差探聽官員作
速探實如身不能馳馬明白備文交驛星速報部
檄大將軍費揚古查駐軍留糧事務議政大臣

奏曰先是費揚古報西路大兵已回喀倫會議
奉

旨著費揚古留兵一千駐劄科圖俟薩卜素到後費
揚古回京遣將軍舒恕侍郎滿丕乘驛往歸化城
查明回軍給糧安插降人諸務在案今費揚古疏

內但稱俟薩卜素到科圖後領兵回京外舒恕
滿丕乘驛往歸化城去矣至回國王阿卜都
里什特厄魯特台吉塞冷扎卜米塞桑等一千
九百三十四口內降後復逃偷盜馬匹情罪可
惡正法者一百四十三人病死者三百四人扎

薩克達爾漢親王喀爾喀善巴王昆都倫博碩
克圖王等各扎薩克蒙古邊汛來降者五百五
十九口已使彼各自防守安插又認出五品官
鄂欣兄弟三十口將此除去其餘男婦幼穉共

八百九十八口給以二十日糧交解丹巴哈什
哈之侍郎西喇等語而薩卜素未到科圖之間
將喻成龍之米如何截給其軍所給之米幾何
其所發回綠旗兵西安滿兵西爾哈達兵運米

之車今已如何並未奏明且薩卜素領兵千人
暫駐科圖倘喻成龍等之米已過其地而復運
回必致岐誤應檄費揚古逐一詳查速奏

上從之

命給小民供應草料飼養馬驢價值且免次年租賦

戶部奏銷宣化府喂養三旗馬驢草料

上准行外又

諭曰近者朕親統大軍出征開宣化府喂養三旗馬
驢急需草料俱預派龍門赤城蔚州小民供應先

用草豆後給價值恐小民不能如數支領著該撫
委地方賢能官查明照價估給務令小民得沾實
惠以副朕愛惜小民至意此地之民並未嘗有悞
急需人皆勉力供應修大兵行道亦甚勞苦殊可
憐憫爾等誌之至冬月蠲免諸處次年錢糧

稱

賀明珠等奏曰前奉

上諭云西路大兵來會需糧甚急今發內廐駱駝三

十頭馬百匹諸王大臣官員再助馬駝交運米官
作速前進留內大臣明珠往克勒河朔往扎米到
隨助馬駝使之運往其未到之米額加催遣留侍

郎阿爾拜干克勒河朔俟劉體等所運之米一千
一十九石麪八千餘陸續到後隨將軍馬思略之
兵而往著帶兵部之馬三十一匹前去駐扎克

勒河朔將按察使劉體等運往之米一千七十
石零麪七千餘零使侍郎阿爾拜及員外達賴
雅圖等押迎大兵已經撥給翰林院編修宋大

業等陸續運往米二千七十石零俱經撥給兩
路大兵運至拖陵之米共三千五百八十石零麪
一萬八千二百餘零已給兩路大兵一千二百

四十九石零仍剩米一千六百石零此米已運
回察罕腦兒矣自拖陵至察罕腦兒各驛所貯
米一萬三百四十四石零自滾腦兒至和爾博
各驛所貯米七千五百九十三石零共米一萬
七千九百二十七石零此米俟督運中路大兵
糧務都御史于成龍等給米事畢之時另行報

銷至

上駟院駱駝三十頭馬百匹內以駱駝十七頭馬二十一匹交都司丁延祥用以運米駱駝八頭馬四匹交守備申天祉用以運米所剩駱駝五頭馬七十五匹俱交理牧羣事副都統達禮善諸王大臣官員捐助駱駝十六頭馬騾三十一匹及侍郎阿爾拜帶去兵部之馬三十一匹俱交劉體用以運米見沿途喀爾喀大小諸人俱言此番

皇上親統大兵深入敵境剿滅噶爾丹自此以後北方無事我諸蒙古俱長享安樂我等之大難大恐得以伸泄此皆

皇上親臨之大恩所致也如聖上不親臨斷不能一舉而即能如是大創之也踴躍歡呼舉手加額向

闕稽首又大賚喀爾喀汗諸扎薩克王貝勒台吉及坐塘鑿井修道台吉官兵諸蒙古言為彼之事

皇上煩駕出征反勞我等加之隆恩無不感戴稱頌恐西路大兵乏糧發上駟院馬駝又令諸王大臣官員捐助催中路之米運至西路大兵得以接濟無不感戴

皇恩又以大兵凱旋軫念小民恐踐田禾申諭再三復留大臣官員彈壓故田禾略不踐踏又每驛留米為食以飼落後病人下逮僕從無一人傷損又遣官沿途備香齋湯梅湯以飲官兵

下逮僕從略不傷暑

皇上諸事具舉下至纖悉無不周詳籌畫故兵民僕從歡聲載道天心和順雨水時調今歲麥秋豐稔田禾茂美欽惟

皇上以噶爾丹乘間抵隙犯我北邊計安生民而發大兵諸王大臣奉

皇上之廟算誘賊已至網羅而不能誅之愾怒殊甚數年悒鬱去歲噶爾丹掠納木扎兒陀音進巴顏烏爾將掠喀爾喀在彼窺伺

聖上赫然震怒思一舉而掃滅之躬統大兵而出噶爾丹驟聞

聖駕親臨魂飛魄散不能抗拒其內自亂中夜遁走皇上率大兵追至拖諾噶爾丹窘迫棄其器物狼狽奔逃

皇上廟謀既定指授復詳為勦滅計遣費揚古等兵遇而擊勦之每事恰中

睿算略無稍異北邊萬里之外無復纖梗永遠安樂功成於百日之內

詔旨所頒數千里之事洞燭於目前御駕深入敵境數千里如行無人之地等考之史冊未有如

皇上之謀勇俱全者也等欽惟皇上功高二帝

德邁古今據前人所未據互古未入之版圖悉收為內地平時念切民生宵衣旰食屢免錢糧遂使富足訓練士卒增置火器整飭營壘以是兵皆精銳所向無敵等愚劣不能記憶

聖世恭遇凱旋誠懼誠忭稽首頓首上奏上報開發所司

癸亥以降人厄魯特紳克圖巴圖爾等歸併丹巴哈什哈安插理藩院奏言安王馬爾渾解到降人厄魯特紳克圖巴圖爾唐古特寨桑等問

之據云我等來降者有莽奈哈什哈尹什登哈什哈都喇圖巴圖爾班單哈什哈寨桑扎爾呼齊什奔達爾漢寨桑蘇穆齊扎爾呼齊阿哈雅

扎爾呼齊胡什哈扎爾呼齊畢力克扎爾呼齊等皆厄魯特杜爾伯特之阿兒達爾台史之孫

台吉車陵之屬下人特來歸皇上今王先遣我兩人來備

皇上之詰問我弓箭手一百十八人喇嘛四人婦女童穉五十四人共一百七十六口為此奏

聞得旨著給綽克圖巴圖爾唐古特寨桑茶飯衣服著員外舍稜帶此兩人赴安王所令酌發此降人厄魯特內配以蒙古兵收服厄魯特之離散者其厄魯特降人家口著舍稜好為防護遷至張家口外與

丹巴哈什哈等一同安插沿途給伊等口糧小心帶來駐劄後照常給以口糧員外舍稜入請訓旨

諭曰爾往收撫厄魯特離散之人可帶喀爾喀公車木楚克納木扎兒衛徵諾顏阿玉什蘇尼特薩瑪扎王之子台吉多爾濟思喀卜博木布貝勒之次子台吉蘇達尼等前往與爾偕行之兵可令伊等酌選帶去鄉導汪舒克博羅俱上等鄉導可帶此

二人而往爾帶此厄魯特至張家口外歸併丹巴哈什哈西達爾哈什哈一處安插帶丹巴哈什哈等之夥伴內有識認噶爾丹等者一人到安王所選王護衛強幹有功者二人前往以綽克圖巴圖爾交王令王撥護衛將綽克圖巴圖爾夥伴沿途給之糧米好為看顧解來與丹巴哈什哈等一同安插爾帶唐古特寨桑等去之時視其內強幹者再選二人帶往爾到喀倫後傳諭衆喀爾喀扎薩克云厄魯特離散之人有往爾等旗下地方者嚴查解理藩院如聞侍讀學士喇什歸信爾等即回勿得前往

以西路餘米

賞給王善巴等七旗議政諸臣奏曰據兵部員外常明疏稱^臣常明到巴顏布喇克地方問王國昌喻成龍等曰糧運如何已到何地能接濟回軍否所設驛站如何王國昌等言我等前遣辛保范承烈等運往二千七百石米內以二百石零追送大兵及之於圖喇外一驛已經分給所餘二千四百石零運至翁金外烏什欣驛從納喇特之路前往因驛已撤不知能濟給回軍否我等管運米一千八百石已到察奇爾馬克臺俄兒金呼圖克地方回軍不從此路來是以將此米運回喀倫一日或行十里或行十五里我等所運米內給牛羊牧羣人察哈爾兵總兵康調元標下綠旗兵一千五百石零外現在喀倫地方之米共四千一百石零其餘俱因車壞牲疲不能運回俟續奏請

旨又大將軍費揚古撤驛文到六月初七初八等日陸續將驛站盡撤矣

上曰王國昌等所運之米俱到吳喇忒喀倫地方應將此米即於彼地附近給王善巴旗下及達爾漢親王諾內二吳喇忒毛明安四子部落旗下著議政大臣議議曰

命以王國昌等所運之米賞給王善巴等旗兵丁乃愛養外藩非常之

恩應將現在四千一百石零之米令計運往人員歸

來之日支與口糧其餘查明王善巴等七旗佐

領數目兵丁數目均攤分給給米之時應差理

藩院司官二員監發

上從之

命于成龍喀拜駐劄喀倫給糧李鈞回京理事議政

諸臣奏言于成龍疏稱駐劄喀倫大兵^臣身及

侍郎李鈞逼政使喀拜三人內應留何人給發

兵糧何人赴京銷算米數查車上牲口料理挽

車人夫發回綠旗兵事務伏候

上裁

上命議政大臣會議議曰應留喀拜於喀倫給將軍

舒恕之軍糧事畢回京令于成龍李鈞在察罕

腦兒等處地方料理糧務事畢回京料理未完

之事

上命于成龍喀拜留喀倫給糧李鈞作速回京料理

未完事件

督理運務于成龍奏報捐助駝馬驛數目及撥

給事議政大臣奏曰據于成龍疏稱共計捐助

馬驛一萬一千六百九匹駝駝六百三十頭

親收交三省官員總於一處攪雜喂養後因運

米車重奏請每車給牲口四匹牽挽五千輛各

加一匹給過五千匹增造車五百輛給過二千

匹給過兵部馬一千匹給過八旗兵丁馬驛二

千餘匹撥給牲口時俱自各牲口中攪雜選給

至所助駝駝六百三十頭所剩馬驛一千六百

餘匹與各部院八旗江南等省大臣官員所助

牲口贖罪人牲口攪雜一處共備取四千七百

餘匹於密雲縣古北口及十八盤嶺博和齊嶺

森濟圖山地方以至砂磧之地見牲口皆瘦不

能牽挽疲乏者甚多是以每車一隊換給七十

八十九一百餘不等既經此數次更換且攪

雜酌給不能分別何人牲口得到拖陵何人牲

口不到拖陵又查所助駝駝皆從和爾博地方

馱米解往克魯倫等處又自拖陵運回餘米牽

挽兵丁留下蓋甲礮子等物又牽挽西路砲車

宣化府砲車給如許牲口為米車之用而不能

運到緊隨大軍^臣之死罪也設無此項捐助牲

口則米斷不能到拖陵等處伏祈

皇上睿鑒急公捐助之情加以

天高地厚之仁出自

聖主洪恩等語查得向使捐助駝駝馬驛者欲軍需

之無悞也且

諭于成龍捐助人員車馬驛與米俱到圖喇者方准

算數而于成龍在京收馬驛駝駝遂至兵糧運

悞則不到拖陵者不得算數仍行文于成龍將